



Comune de Onanie

Provìntzia de Nùgoro

Carrera de Roma, n° 27
08020 Onanie

Tel.0784/410023 Fax 0784/410101

.....

Onanie 01.04.14

In sa die de su 18.11.2013 comente ischides bene sa bidda de Onanie est adurata ferta dae su "ciclone Cleopatra" chi in pagas oras at leadu morte e at fatu dannu mannu at in sa Sardigna tota.

In sa bidda nostra pro sorte bona, no ant àpidu dannu meda nen in sas domos e nen in sas personas, Onanie si ch'est salvadu, ma a inghìriu de sa bidda su sartu at tentu dannu mannu, cun problemas mannos pro sa viabilidade de sas istadas de importu prus mannu e pro sos caminos e andalas de sa campagnas.

Sa bidda nostra chi tenet s'economia sua fata in subra de un'economia agro-pastorale est aduradu isoladu pro dies meda e adurat a dies de oe puru in un'isoladu in prus partes, cun sos pontes fatos a manera provvissòria pro s'emergèntzia, cun sas istradas comunales dae torrare a fàghere, cun sas istradas de sa provìntzia dae acontzare o dae torrare a fàghere, cun sa retza de s'abba acontzada a manera provvisoria e cun su depuratore de sas tres biddas de Onanie, Bitzi e Lùvula chi galu non funzionant; paret de a èssere torradu a su s'edade de mesu e imbetze semus in sos tempos de oe, ma amus puru sa siguresa chi a luego amus a torrare a sa modernidade de sos tempos nostros.

Nos at fatu male in custos meses nos intendere abandonados dae banda de sos entes superiors, chi cun sa lentesa issoro in su imbiare sos cuntributos, ant contribuidu a manera mala a nos fàghere isboidare sas càscias de comune nostru, custa situatzione nos as lassadu in un'istadu de tristura manna cun in prus puru su fatu chi sa burocrazia at fatu a manera chi puru sos interventos prus simples siant

diventados de una dificultadde manna. Nos at agiudadu meda pereu sa Solidariedade infinida apida dae parte bostra, setzis istados una lughe in su buju.

S'agiudu bostru nos dadu una fortza manna e su resinnu pro parare fronte a sos eventos, nos at fatu intèndere importantes e nos ant fatu comprendere chi non fimis a sa sola.

In custa tragèdia chi at leadu sa vida a pessones meda est èssida a campu una nota bona: sa màchina lestra-lestra e potente de sa Solidariedade in Sardigna e in su Mundu.

Sa disaura nostra est istada intesa e partzida dae bois totus tzitadinos italianos, dae sos Assòtzios, dae sos Comunes de cada logu, chi nos azis fatu arrivare inoghe in s'amada Sardigna nostra e sa bidda nostra e a su Comune nostru unu contributu de importu mannu pro a nois.

Su contributu bostru est istadu mannu de aberu non solu comente valore econòmicu ma in primu de totu comente Valore de Umanidade chi faghet comprendere comente unu contributu de unu euro donadu cun su Coro balet meda de prus in momentos de dificultadde manna comente custu in su cale semus protagonistas.

Cun custa lìtera nois Amministradores e sa Comunidade de sa bidda de Onanìe cherimus torrare gràtzias mannas a totus cantos bois, chi nos azis agiudadu a nos pesare a istare torra a sa rea, ma custa lìtera serbit puru a bos ispiegare sa manera in su cale amus a ispèndere su dinari Bostru chi nos azis donadu.

A dies de oe a su Comune de Onanìe sunt istados donados prus e mancu 130.000 euros; nois amministradores cherimus a manera forte chi custu dinari bengiat ispesu pro fàghere un'interventu in intre de su tzentru abitadu de sa bidda, con s'acontzadura de sa Carrera de sa Funtana Manna e de piata sua inue s'agatat su samunadòrgiu betzu; chi a sa fine de sos traballos de acontzadura at a èssere numenada sa Piata de sa Solidariedade.

No at a èssere fatu petzi unu traballu de acontzadura, ma unu traballu de importu mannu pro sa preventzione, bidu chi sa die de su 18 de santandria 2013 sa carrera de sa Funtana Manna est divènnida unu ribu, chi at tragiadu totu cantu at agatadu in su caminu suo, deruende sa carrera e poninde in perigulu mannu puru su

palateddu inue s'agatat s'iscola de s'infàntzia e s'ala de giosso e prus antiga de sa bidda; custos fatos ant dadu inditu a su seberu nostru in subra de sa posta in siguràntzia de cust'ala de sa bidda chi tenet unu arriscu forte dae sa banda idrogeologica comente est èssidu a campu dae su Pianu Comunale de sa Protezione Tzivile. S'interventu previdit de torrare a fràigare a nou su sistema pro sa collida de s'abba, chi a dies de oe non bastat prus ei at tentu dannu mannu dae su dirrascu e dae sos allagamentos.

Su dinari bostru ant a pompiare a su benidore a nos ant agiudare a manera bona a fàghere unu seberu de Política de Prevèntzione, chi nos uramus chi bengiat fata in totue, siat ca serbit a istrabiare ei a sarvare sa vida de pessones meda.

*Duncas intendo forte su d'isigiu de bos **torrare gràtzias** mannas pro contu meu e pro contu de s'Amministrazione Comunale e de sa **Comunidade de Onanie**.*

Su Sìndigu

F.du Dutt.ssa Clara Michelangeli

*“....este Onanie una idda vamosa
pro sas usanzas de s'antichitate
ospitale distinta in s'onestate
lu pote narrer viera e orgogliosa
ca bi regnat sa pache graziosa
in allegria e chin felicitate
su bonu coro de s'umanitate
de cussa zente es prodigiosa...”*

(P. Zizi)